

方輿考證一百卷

十五

世說新語（目錄）

方輿考證卷三十三

陝西一

陝西總部

沿革○禹貢雍梁二州之域

漢中屬梁

周官職方氏正西曰雍州戰國

屬秦兼有楚魏之境

漢中屬楚魏則自鄭濱洛有上郡也

而鎬京則周之都咸陽

則秦之都也漢都長安置司隸校尉部又兼有益涼并三州部

地

漢中屬益武都屬梁西河上郡屬并○今鳳縣漢武都郡地也

季漢僅得漢興餘則盡屬於

曹氏晉改司隸為雍州梁州如故永嘉後石勒苻堅姚萇赫連

勃勃之徒迭相攘據南北朝屬魏後屬周屬隋亦置司隸部而

不詳所統唐分十道是為關內道並山南道地

興元府興州洋州金州鳳州俱

屬山南道

五代初漢中沒於王建

蜀前

同光中收復應順初又亡於孟

知祥

蜀後

宋初改關內道為關西道山南道如故後改道稱路曰

陝西路尋改置鄜延環慶秦鳳等路

延環秦今屬甘肅

元豐中又改為

永興秦鳳二路又分置利州路利州路治漢中金置京兆鳳翔鄜延三

路元為陝西行省明為陝西布政使司 本朝因之又分設甘

肅布政使司

形勢○東界關河潼關武關皆居東面西扼隴坻南通巴蜀北控朔方今河套內

為俄爾多斯駐牧○戰國策蘇秦說秦王曰南有巫山黔中之

限東有穀函之固又史記蘇秦列傳說惠王曰秦四塞之國被

山帶渭東有關河西有漢中南有巴蜀北有代馬代非秦地蓋謂有其地之

耳此天府也○史記留侯世家關中左穀函右隴蜀沃野千里

南有巴蜀之饒北有胡苑之利阻三面而守獨以一面東制諸

侯諸侯安定漕渠漕輓天下西給京師諸侯有變順流而下足

以委輸此所謂金城千里天府之國也時劉敬請都關中左右大臣多勸都洛陽留侯

云又劉敬列傳曰夫秦地被山帶河四塞以為固陛下入關而

都之山東雖亂秦之故地可全而有也夫與人鬪不扼其吭拊其背未能全勝也今陛下入關而都秦之故地此亦扼天下之吭而拊其背也○後漢書班固傳西都賦漢之西都在於雍州寔曰長安左據函谷二嶠之阻表以太華終南之山右界褒斜隴首之險帶以洪河涇渭之川華寔之毛則九州之上腴焉防禦之阻則天地之奧區焉是以橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建策留侯演成乃眷西顧寔惟作京○周書于謹傳言於太祖曰關右秦漢舊都古稱天府將士驍勇厥壤膏腴西有巴蜀之饒北有羊馬之利今若據其要害招集英雄養卒勸農足觀時變且天子在洛逼近羣凶若陳明公之懇誠算時勢之利害請都關右帝必嘉而西遷然後挾天子而令諸侯奉

王命以討暴亂桓文之業千載一時也○唐書郭子儀傳程元振說帝都洛陽帝可其計子儀曰雍州古稱天府右隴蜀左嶠函襟馮終南太華之險背負清渭濁河之固地方數千里帶甲十餘萬兵疆土勇真用武之國秦漢所以成帝業也後或處而泰去而亡者不一姓故高祖先入關定天下太宗以來居洛陽者亦鮮先帝興朔方誅慶緒席西土戮朝義雖天道助順亦地勢則然比吐蕃馮陵而不能抗者臣能言其畧夫六軍皆市井人竄虛名逃賦寔一旦驅以就戰有百奔無一前又宦豎掩迷庶政荒奪遂令陛下傍徨暴露越在陝服是委任失人豈先地非良哉

元史姚樞傳憲宗大封同姓勅世祖於南京關中自擇其一樞曰南京河徙無常土薄水淺烏鹵生之不若關中厥田上上古今名天府陸

海於是世祖願有關中○文獻通考朱子曰前代所以都關

中者以黃河左右旋繞所謂臨不測之淵也近東獨有函谷關

一路通山東故可據以為險又關中之山皆自西而東若橫山之險乃山極高處本朝則自橫山以北盡為西夏所有據高以臨我是以不可都也○按司境山河四塞控據上流此田皆有高屋建瓴水之喻也說詳高祖本紀其疆域東界山西河南東南界湖北南界四川西界甘肅北界俄爾多斯布政司治西安府領府七直隸州五屬州五縣七十三自司治至京師二千四百七十五里民田二十五萬二千三百七十一頃三畝賦銀一百五十二萬九百七兩糧十六萬八千四百五十三石各有奇屯田三萬九千二百三十六頃入畝賦銀七萬四千二百六兩各有奇○戶口一百三萬三千一百七十七戶三百八十五萬一千四十三口○兵制撫標一千一百九十五人延綏鎮標九千二百九十九人興漢鎮標七千二百四十三人

名山

太華○舜典八月西巡狩至於西岳如初注西岳華山○禹貢西傾朱圉鳥鼠至於太華○周禮職方氏豫州其山鎮曰華山杜氏

謂其山連延東出故屬豫

○爾雅河西華又曰華山爲西岳○山海經太華

之山削成而四方高五千仞廣十里遠望之若華然○史記封

禪書自華以西名山七曰華山○漢書地理志華陰太華山在

南有祠豫州山集靈宮武帝起莽曰華壇也○後漢書郡國志

華陰有太華劉昭注左傳晉賂秦南及華山地道記山在縣西

南○張衡西京賦綴以二華

太華少華少華在今華州

巨靈最頂高掌遠蹠

以流河曲厥跡猶存

李善注通甲開山圖有巨靈胡者徧得坤元之道能造山川出江河楊雄河東賦曰

河靈曼賜掌華蹈襄按薛琮原注華山名也巨靈河神也古語云云其事本荒誕特詞賦家以爲典故耳○白虎通

西嶽爲華華之爲言穫也言萬物成熟可收穫也○述征記華

山有二岑直上數千仞自下小岑疊秀迄於嶺表有如削成○

水經注河水篇云自下廟厯列柏南行十一里東廻三里至中

祠又西南出五里至南祠謂之北君祠諸欲升山者至此皆祈

請焉從此南入谷七里又南出一里至天井井裁容人穴空迂
回頓曲而上可高六丈餘山上又有微涓細水流入井中亦不
甚沾人上者皆所由涉更無別路欲出井望空視明如在室窺
窻也出井東南行二里峻坂斗上斗下降此坂二里許又復東
上百丈崖升降皆須扳繩挽葛而行矣南上四里路到石壁緣
傍稍進逕一百餘步自此南出六里又至一神名曰胡趨寺從
祠南厯夾嶺廣裁三尺餘兩箱懸崖數萬仞窺不見底祠祀有
感則雲與之平然後敢度猶須騎嶺抽身漸以就進故世謂斯
嶺爲搦嶺矣度此二里餘便屈山頂上方七里靈泉二所一名
蒲池西流注於澗一名太上泉東注澗下上宮神廟近東北隅
其中塞實襍物事難詳載自上宮東北出四百五十步有屈嶺
望巨靈手跡惟見洪崖赤壁而已無山下上視之分均矣○三

秦記華山在長安東三百里高不知其幾千仞如半天之雲○
唐元宗太華山銘雄峯峻峭菡萏森爽是曰靈岳眾山之長○
唐書地理志華陰上元二年曰太陰華山曰太山寶應元年復
故名○元和志華陰縣太華山在縣南八里○寶宇記名山記
云華岳有三峯直上數千仞基廣而峯峻疊秀迄於嶺表有如
削成今博山香鑪形象似之○九域志華山四州之際東北冀
東南豫西南梁西北雍十字分之四隅爲四州○方輿紀要太
華峯巒洞谷參差錯列而峯之最著者爲蓮花諸峯華岳志岳頂中峯曰蓮花峯東峯曰仙人掌西峯曰巨靈足又華山南峯曰落雁峯其相近曰黑龍潭仰天坪西北曰毛女峯東北曰雲臺峰其與雲臺相近者曰公主峯○唐王涯曰華岳首峯有五崖北壑破岩兩裂自下遠而望之偶爲掌形耳謂是巨靈之跡不亦誕哉
洞之最著者爲碧雲諸洞華岳志岳頂而東爲碧雲洞下爲碧雲溪稍西有王刀洞昔仙人王途刀自然所居也岳頂之東南爲焦公房岳頂之北則爲仙谷之最人洞水簾洞其近毛女峯者道書以爲太極總仙洞也

著者爲牛心諸谷

華岳志：著雲洞旁有黃神谷，牛心谷，其相近者爲藏馬谷。又有大仙谷，爲仙人賈君所居。

迤西曰車箱谷，又有霧谷。後漢張超居此。又西曰仙谷，一名石羊城。俗訛爲黃初平叱石成羊處。又西南曰桃谷，甕谷，竹谷。又

西南則華陽縣也。

登華之巔，俯視雲煙皆出其下。帝座微茫，仿佛可通

也。○登華記華之狀一言可蔽曰：削成而四方，東削則仙掌出

西，削則水簾垂南，削而全真崖見北，削其半，搗嶺一脈貫之以

達雲臺如斗之有杓焉。其麓有三首，峪口次有柯坪，次宗土祠

祠爲削成四方之下踰之，則至三峯。三峯一峯也，一石拔起五

千仞，相爲倚伏，非搗嶺綴之，則壑中可環三峯而走也。搗嶺者

蒼龍嶺也。南峯有三落雁，在東，寶旭在西，東峯亦有三玉女，在

左。石樓在右，西峯亦有三石樓，在前，老君爐在後，自縣中視之

三峯等高也。自三峯上視之，東西二峯止及南峯之肩。○陝西

通志：岳廟西南十里爲雲臺觀，南二里爲玉泉院，此谷口也。入

谷五里為桃林坪在第一關上又為張超谷希夷峽又上為莎蘿坪

其東為上方中方下方三峯突面扳鎖險不可上非登岳要路自莎

蘿坪又南為十八盤又迤東而上為千尺幢百尺峽即述征記

所謂百丈崖水經注所云天井也又上為老君犁溝又西上為

日月崖又南上為蒼龍嶺又南至玉女祠南為細辛坪西南為

鎮岳宮玉井樓則在三峯環抱之中由細辛坪則先東峯而登

南峯由玉井樓則先西峯而至南峯此升岳之大都也按唐一

行之言見總部卷四則華總兩戒山河之會為陰陽翕闢之樞勢控

雄藩險憑百二襟帶河曲居六合之上游鎖鑰潼關作三秦之

巨鎮西屏隴塞北拱神京洵宇內奧府神區也○按述征記

華山自山麓至頂升降紆回凡三十三里六帖云華山豫州之

巨鎮天府之襟帶蓋其形勢高大險阻控扼關河為三秦之巨

障嗚呼踐華爲城倏憐一炬立國果全在險哉按華山三峯所目不同詳見同

州府又有少華山去太華八十里所謂二華也唐六典關內道名

山曰華山事跡見後

終南一名南山一作中南在西安府南五十里巨鳳翔縣岐山郿縣武功盩

厓長安咸寧藍田諸縣境○禹貢終南惇物至於鳥鼠○詩秦

風終南何有有紀有堂毛傳周之名山曰終南又小雅南山有

臺又節彼南山○左傳昭公四年司馬侯曰中南九州之險也

杜注終南山也在始平武功縣南○漢書地理志武功太壹山

古文以爲終南太乙蓋終南之最高處也又東方朔傳南山天下之阻也○

後漢書班固傳西都賦表以太華終南之山○淮南子孟門終

隆之山不能禁注終隆終南也○張衡西京賦於前則終南太

一隆崛崔嵬李善注五經要義曰太一一名終南山在扶風武

功縣此云終南太乙不得爲一山名矣蓋終南山之總名太一
一山之別號耳○潘岳關中記終南一名中南言在天下之中
居都之南也○晉書地理志武功太一山在東古文以爲終南
○水經注渭水又逕武功縣故城北地理志曰縣有太壹山古
文以爲終南杜預以爲中南也亦曰太白山在武功縣南去長
安二百里○隋書地理志鄠有終南山○括地志終南山一名
中南山一名太一山一名周南山一名橘山一名楚山一名秦
山一名地肺在雍州萬年縣南五十里○元和志萬年縣終南
山在縣南五十里按經傳所說終南一名太乙張衡西京賦云
終南太乙隆窟崔嵬潘岳西征賦云九峩嶺薛太一龍嵒面終
南而背雲陽跨平原而連幡冢然則終南太乙非一山也又鄠
縣終南山在縣東南二十里又鄠縣終南山在縣南三十里○

柳宗元終南山祠堂碑記據天之中在都之南西至於褒斜又西至於隴首以臨於戎東至於商顏又東至於太華以距於關寔能作固以屏王室其物產之厚器用之出則璆琳琅玕夏書載焉紀堂條枚秦風詠焉○長安志萬年縣終南山在縣南五十里東至藍田界西入縣界唐文宗詔曰每聞京師舊說以爲終南山興雲卽必有雨若晴霽雖密雲他至竟夕不沾濡宜命有司建立祠宇○雍記終南橫亘關中南面西起秦隴東徼藍田相距且八百里昔人言山之太者太行而外莫如終南○胡三省曰關中有南山北山自甘泉至嶺巒九嵎爲北山自終南太白連延至商嶺爲南山○方輿紀要終南脉起崑崙尾銜嵩岳鍾靈毓秀宏麗瑰奇作都邑之南屏爲雍梁之巨障其中盤紆回繞深岩邃谷不可殫究關中有事終南其必爭之險也又

云三秦記云長安正南山名秦嶺東起商洛西盡汧隴東西八
百里嶺根水北流入渭號爲八百秦川王應麟曰秦嶺北爲秦
山南爲漢山周六百二十里舊記皆云南山深處高而長大者
曰秦嶺然則終南本一山矣○陝西通志終南太一諸說紛紛
竊謂班固秦人寧不知終南之密邇京兆而必遠以屬之扶風
且以杜鄴諸人之核博亦貿然皆沿其誤哉蓋終南一山綿亘
雖遠而郿之太白武功獨爲峻絕今觀終南他處崇岩絕巘不
可勝述然猶爲人跡所可至惟太白四時積雪最爲高寒由來
罕窮其巔意漢志以爲在武功者不過舉最高者以爲指名蓋
謂太乙本屬終南而非謂終南之果專於太一也卽今以終南
係之西安又得謂終南之專屬西安哉按終南一山首聯羌隴
尾蟠商洛左渭右漢挾二水以分流北雍南梁爲兩州之界劃

九畹岐梁拱揖於其後太華謹舉竦矗於其東兼以綰道潛通

楚豫

藍田道即武關路也

蝕中直達梁洋

即子午谷道也

儻駱懸車褒斜綰轂類

皆用間道以出奇亦可因地形以設險古以關中爲天下之脊

實以終南爲關中之脊也是以豐鎬卜宅文武肇興秦漢於此

定都隋唐因之奠鼎皆以其形勢之雄也

按錢玷漢志注謂西安南山古皆謂之南山

山從未被以終南之名後人不知乃以陝西迤南山一帶山並曰終南而別太白爲終南之一峯其說始自柳宗元一輩人云云然李善注文選在宗元前矣且潘岳晉人也關中記曰終南居都之南張衡後漢人也西京賦云於前則終南說亦舊矣

大川

黃河○自甘肅寧夏府東北流出邊值榆林府西北

值府谷縣西八百餘里河

之東爲俄爾多斯境

又東北流至阿爾坦河入河處折而東歷俄爾多斯

後旗北至大土爾根入河之處始折而東南又迤邐而南經山

西偏頭縣西至榆林府府谷縣東北之侯家娘娘口入邊

自此以南